



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De frequenti communione Eucharistiæ. tit. 102

urn:nbn:de:hbz:466:1-29452

pas viuū, ergò nō sine sanguine. In calice autē purū
vinū, de quo tu bibis. At in calice sacerdotis in Mis-
sa, ibi est corpus & sanguis Christi ex concomitan-
tia. Ideò accede, sed pœnitentia cordis. Non sic di-
cendum est, volo accipere hic gratiam & remissio-
nem, sic credo. Quid pœnitentia? confessio? ieiuni-
um? &c. hic error iam mundi est, &c.

Si quis interroget, in quem finem sumis sacra-
mentum hoc? Respond. Ob tria, in memoriam meæ
redemptionis ab æterna morte: Secundò, quòd De-
us in me manet & ego in eo, & me conseruat à futu-
ro malo & peccatis. Tertio, vt gratias illi persoluam
pro redemptione mea.

DE FREQVENTICO M-
munione Eucharistia.

TITVLVS CII.

RIMò in actibus Apostolorum, Act. 2.
quòd Christiani & Apostoli erant per-
seuerantes, id est, continuabant in fracti-
one panis, & sæpius cõmunicarunt, &
Christus non præcipit, quòd semel & ite-
rùm in vita solùm comunicemus: sed
inquit, hoc facite, id est, quotiescunquè volueritis, si-
cut Apostolus I. Corinth. II. exponit, in meam memo-
riam facietis. Licet igitur comunicare quotiès &
quandò visum fuerit, id quod initio Ecclesię fecerūt
omnes Christiani: aliqui omni die, aliqui dominicis
diebus: aliqui in maioribus festiuitatibus &c. At
quandò incepit deuotio frigescere, accessit præcep-
tum Ecclesię, vt vel saltem semel in anno communi-
carent, & hoc in festo Paschatis, in qua solennitate
& à Christo fuit institutum sacramentū, id est in cœ-
na, vt testantur Euāgelistæ, Matt. 26. Luc. 22. Mar. 14.

Secundò, quòd veteres deuoti catholici sæpè com-
municarūt in anno, hæc fuit prima ratio: Cõsiderabāt
Sf 2 bellum

bellum & pugnam, quam habet Christianus cum sathana, mundo, hominibus, & propria carne, sicut ad Ephes. 6. testatur Paulus: Nèdum est nobis colluctatio cum carne & sanguine, sed etiam cum spiritibus nequitiae. Ideò vt essent fortiores ad resistendum, quatenùs sathanas timeret eos adoriri & tētare, quòd videret Christum esse cum suis fidelibus, ideò sepe communicarunt, Nam Christus inquit Ioan. 6. xto. Qui māducat carnem meam, & bibit sanguinem meum, in me manet, & ego in eo. At quando Christus est in nobis, & nos in illo, quis vincet nos? Si Deus pro nobis, quis contra nos? Et iterum: Quis comparabit nos à charitate Christi? Mors, persecutio, angelus, creatura, & cetera? Ideò sepe communicarunt veteres.

Rom: 8.

Secundò, ad excitandam deuotionem cordis, sic incedit per aliquot annos nō communicans, perdit omninò conscientiam bonam. Sepe etiam cecidit in scandala & infortunium, Aufertur spiritus sanctus à corde, & eius spiritus fit penitùs mundanus. Ideò petijt Dauid Psal. 50. inquit: Spiritum sanctum tuum ne auferas: ideò quando quis communicat sepe, fit particeps bonorum Christi & totius Ecclesiae, est, suffragiorum & orationum, 1. Cor. 10. Vnus panis & vnum corpus. Et sic suffragia Ecclesiae iuuant, qui communicat cum ea, sicut Dauid Psal. 134. inquit: Particeps sum ego omnium timentium te. Desiderium ergo ad aeterna bona erigitur, & ad mundana deprimitur frequenti & deuota cōmunionē. Hec fides & Ecclesia creuit, & hastenùs conseruata est Christo per hęc media, id est, diligenti auditione verbi DEI, sincera oratione, & deuota communione fratrum secundo. Et hęc etiam quando incipit infrigescere, Ecclesia deuastratur. Fides igitur Christi & deuotio cordis, nutritur & conseruatur frequenter cōmunionē.

Tertio

Tertiò, quãdò post admissum peccatũ timebant se excidisse à cõmunionẽ Christi, & amisisse gratiam, & maximè per manifesta opera carnis, Gala. 5. tunc frequenter communicabant, vt certiores fierent se iterũ esse in cõmunionẽ Christi & Ecclesiæ, &c.

Secundò, Apostolus 1. Corint. 11. corripit maximè eos, qui frequenter communicant, sed indignè, vt fornicarius, aut sacerdos propter pecuniam, aut ex consuetudine & officio, sine omni deuotione & timore Dei, ita quòd plures, si non timerent homines, in die tres aut quatuor Missas propter pecuniam legerent, &c. Et sic propter indignam tractationem sacramenti, iam bella, infirmitates, & multa alia incommoda sunt in mundo, & tandèm in iudicio manifestũ erit, &c. Etiam punitur mundus iam, quia sacramento unitatis vtuntur ad dissidium, vt sectæ. Cyprian. sermone 5. de lapsis.

*QVID EST MISSA, ID EST,
cur celebretur.*

TITVLVS CIII.

MISSA est opus, in quo iuxta mādaturũ Christi peragitur memoria passionis suæ, & panis in suum corpus, & vinum in sanguinem virtute & vi Christi verborũ transsubstantiantur & sumuntur.

Primum hoc Christus præcepit faciendum, Luc. 22. Hoc facite in meã commemorationem, id est, vt circa hoc pensetis causam, cur passus sum: Et hoc docent verba sua, Matth. 26. scilicet corpus Christi traditum in mortem, & sanguinem fufum pro peccatis nostris, quæ verba etiam includunt & compræhendunt totam fidem, & totum Euangelium nostrum, 1. Cor. 15. Hoc est Euangeliũ meum, quoniam Christus

Sf 3 mortuus